



KOMUNIKADO DI PRENSA
Willemstad, 27 di mei 2021

TARIFANAN PA KOMBUSTIBEL REGULÁ TA SUBI, ELEKTRISIDAT TA BAHA, AWA TA SUBI LEVEMENTE

WILLEMSTAD – Entrante djamars 1 di yüni 2021 e tarifa regulá di gasolin, diesel i LPG lo subi na Kòrsou. E tarifa di elektrisidat lo baha entrante djamars 1 di yüni 2021 i awa lo subi levemente. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káلكulo tarifa produktonan kombustibel

E káلكulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntas ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa yüni 2021, en prinsipio ta basá riba e reserva di kombustibel disponibel pa final di aprel 2021. Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

E tarifa usuario final di tantu Mogas 95 komo Gasoil LSD ta subi prinsipalmente komo konsekuensha di un subida den preis di kompra, di kua e oumentunan ta den liña ku e kotisashon internashonal relevante. Debí na e agotamentu kontínuo di e reserva finansiero pa LPG, a base di kua e preisnan desde ougùstùs 2020 por a keda mantené igual, awor mester bai ofer na oumentu di preis pa LPG.

Káلكulo tarifa awa i koriente

E káلكulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aquallectra mes. Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aquallectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aquallectra, di kiko e meskla di produkshon lo bira, den e



kaso aki pa e luna di yüni 2021. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di aprel 2021.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E tarifa di elektrisidat ta baha prinsipalmente komo konsekuensha di e preis abou di kombustibel promedio i e faktor di korekshon abou ofer di aprel ku ta prosesá den e tarifanan di yüni. E umento leve di e tarifanan di awa ta prinsipalmente resultado di e kostonan abou di elektrisidat pa produkshon di awa i e faktor korekshon haltu ofer di luna di aprel ku ta prosesá den e tarifanan di yüni.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilé e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.